

CUSSEGL GROND

Sessiun d'avust 2022

Dumonda Gort concernent ils termins da tractament da la planisaziun dal territori

Gia en la dumonda da la fracziun da la PPS en la sessiun da december 2021 concernent las proceduras EOZ èsi vegnì criticità, ch'ils termins da tractament dal UST sajan per part memia lungs. En la vischnanca da Küblis per exempel è in cas pendent quest atun dapi 4 onns.

En la resposta da la Regenza èsi vegnì menziunà, ch'il termin da tractament da 3 mais tenor l'art. 49 al. 2 da l'Ordinaziun chantunala davart la planisaziun dal territori (OPTGR) vegnia observà tar 94 pertschient da las dumondas da la categoria EOZ la pli frequenta. Sco ch'in pèr exempels a Küblis mussan però, èn quellas dumondas, che na vegnan lura betg tractadas entaifer il termin, tant pli malempernaivlas. En l'artitgel da la OPTGR menziunà qua survart èsi plinavant fixà, ch'il termin per liquidar proceduras EOZ cun protesta, cun examinaziun ecologica e cun in basegn da coordinaziun augmentà, duaja durar maximalmain 5 mais.

Sco ch'igl è resultà d'in barat cun las presidentas ed ils presidents communalis en la regiun Partenz/Tavau, n'è la vischnanca da Küblis betg in cas spezial, mabain en quasi tut las vischnancas èn vegnidas fatgas experientschas sumegliantas. La finala è quai er sa mussà tar in cas a Claustra, nua ch'igl era vegnida inoltrada ina dumonda EOZ normala en connex cun il giubileum «800 onns Claustra». Malgrà preexaminaziun e documents da dumonda cumplets n'era questa dumonda er suenter in mez onn anc betg vegnida approvada.

Er en auters secturs da la planisaziun dal territori vegnan las vischnancas confruntadas cun fitg lungs termins da tractament. Tar revisiuns da la planisaziun locala datti regularmain gronds retards, medemamain p.ex. tar determinaziuns dal spazi d'auas. Sche plirs uffizis u posts spezialisads chantunals èn involvids (spezialmain il UNA, la Tgira da monuments, il UGP), sa prolungheschan ils termins d'elavuraziun fermamain er tar projects simpels. Sch'i duess er anc esser necessari d'integrar in post federal (p.ex. per projects da pendicularas), ston ins gist far quint cun ina procedura da plirs onns, e quai er senza process giudizials. Nus constatoin plinavant, che la revisiun actuala dals plans directivs regiunals cun l'adattaziun parallela da las planisaziuns localas (model directiv communal dal territori, planisaziuns localas) è ina fitg gronda sfida u schizunt ina surpretensiun per las vischnancas, per las regiuns, per il chantun e per ils biros spezialisads.

Las sutsegnadras ed ils sutsegnaders fan las suandantas dumondas:

- a) Tar quantas dumondas EOZ n'èsi – dapi l'onn 2018 – betg stà pussaivel d'observar la durada d'elavuraziun maximala da 5 mais tenor la OPTGR?
 - b) Quantas dumondas EOZ èn actualmain pendentas dapi pli ditg che 5 mais?
 - c) Co vegnan motivads quests retards?
 - d) Co fissi pussaivel da scursanir questas proceduras?
- a) Tge directivas temporalas datti per tractar revisiuns da la planisaziun locala, determinaziuns dal spazi d'auas, adattaziuns da zonas da privel ed ulteriurs temas sumegliants?
 - b) Vegnan observadas questas directivas?
- Co pon proceduras, nua che plirs uffizis e posts spezialisads chantunals èn participads, vegnir optimadas e terminadas en in rom temporal adequat?
- Ha la Regenza in plan per reducir las pendenzas e per pudair observar ils termins tar sche pussaivel tut las dumondas, e quai en spezial tar il UST?

Cuira, ils 3 da settember 2022

Gort, Kasper, Gansner, Adank, Berweger, Brandenburger, Butzerin, Candrian, Casutt, Cortesi, Cramer (Surava), Della Cà, Derungs, Dürler, Favre Accola, Grass, Hartmann, Hohl, Hug, Jochum, Koch, Krättli, Lehner, Luzio, Maissen, Menghini-Inauen, Metzger, Morf, Rauch, Roffler, Saratz Cazin, Schutz, Sgier, Stocker, Weber